



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

5 MEI 2021 (RABU)



KEMENTERIAN PERDAGANGAN DALAM NEGERI
DAN HAL EHWA PENGGUNA

KERATAN AKHBAR DAN MEDIA ONLINE (KPDNHEP)

5 MEI 2021 (RABU)

KPDNHEP Melaka rampas 846 kasut, selipar tiruan

Melaka: Kementerian Perdagangan Dalam Negeri dan Hal Ehwal Pengguna (KPDNHEP) Melaka merampas 846 pasang kasut dan selipar tiruan dalam serbuan di sebuah rumah di Krubong, di sini, kelmarin.

Pengarahnya, Norena Jaafar, berkata serbuan itu dilakukan dengan kerjasama wakil pemilik cap dagang kira-kira jam 3 petang semalam.

Beliau berkata, hasil serbuan itu menemui 345 pasang kasut berjenama Nike, 287 selipar Nike dan 214 selipar berjenama Adidas dipercayai tiruan.

"Semua barangan dirampas itu dianggarkan bernilai RM12,800 dan seorang lelaki dipercayai pemilik perniagaan berusia 25 tahun turut ditahan.

"Penjualan barangan tiruan itu dikesan wakil pemilik cap dagang selepas mendapati ia dijual secara aktif melalui platform e-dagang dipercayai sejak kira-kira tiga bulan lalu," katanya.

Selain kasut dan selipar berjenama Adidas dan Nike turut dijual pelbagai barangan berjenama lain dengan harga bermula RM25 hingga RM150.

"Kualiti barangan ini dikatakan digred sebagai *medium-low* dan mereka menjadikan sebuah rumah sebagai tempat operasi dan menyimpan stok.

"Modus operandi perniagaan ini adalah hanya melalui urusan niaga dalam talian dan tempahan akan dipos kepada pembeli," katanya.



Penguat kuasa KPDNHEP memeriksa kasut dan selipar berjenama tiruan dalam serbuan di Krubong, semalam. (Foto ihsan KPDNHEP)



Shamsul Nizam (tengah) menunjukkan lokasi pemindahan minyak masak bersubsidi ke dalam tangki di sebuah kilang perindustrian di Jalan Sagai 6, Pasir Gudang, Johor. (Foto Nurul Amanina Suhaini/BH)

Sindiket seleweng minyak masak subsidi tumpas

Nilai rampasan dianggar RM15j, 15 lelaki ditahan dalam serbuan sebuah kilang

Oleh Nurul Amanina Suhaini
bhnews@bh.com.my

Pasir Gudang: Kementerian Perdagangan Dalam Negeri dan Hal Ehwal Pengguna (KPDNHEP) menumpaskan sindiket penyelewengan minyak masak bersubsidi membabitkan nilai rampasan dianggarkan RM15 juta, dalam serbuan di sebuah kilang perindustrian di Jalan Sagai 6, Taman Pasir Putih, semalam.

Timbalan Pengarah Penguat Kuasa (Operasi) KPDNHEP Putrajaya, Shamsul Nizam Khalil, berkata berdasarkan operasi itu, pihaknya percaya melumpuhkan sindiket disyaki menyebabkan kekurangan bekalan minyak masak di pasaran.

Katanya, operasi pada jam 2 pagi itu dibantu KPDNHEP Johor Bahru yang turut menahan 15 lelaki termasuk lapan warga Nepal dan Bangladesh berusia 25 hingga 45 tahun.

"Hasil siasatan awal dan risikan selama sebulan, minyak masak bersubsidi diperoleh daripada beberapa kilang pem-

bungkus secara sah di sekitar Lembah Klang, Perak dan Kedah yang memiliki lesen borong sah, disyaki dibawa ke sebuah kawasan perindustrian di Pasir Gudang, Johor.

"Sindiket didapati menjalankan kegiatan pemindahan minyak masak bersubsidi kapasiti satu kilogram (kg) ke dalam tangki dan memasukkan ke dalam mesin yang kemudiannya disalurkan ke dalam tangki berkapasiti 1,000 liter setiap satu.

"Anggaran jumlah paket disel Lewengkan antara 500,000 hingga sejuta paket sebulan sepanjang tempoh enam bulan kilang ini beroperasi.

"Harga subsidi RM2.50, mere-

ka mungkin dapat lebih murah sebab mereka pemborong.

"KPDNHEP mengesyaki bekalan minyak masak ini bagi tujuan eksport. Ini kes pertama dan terbesar tahun ini dibongkar," katanya pada sidang media di sini, semalam.

Beliau berkata, siasatan awal mendapati, kilang terbabit mengumpulkan 15 jenama minyak masak daripada beberapa syarikat untuk menjalankan sindiket mereka.

"KPDNHEP juga mengenal pasti beberapa syarikat diguna untuk membeli minyak masak menggunakan lesen borong yang sah.

"Kes disiasat mengikut Akta Kawalan Bekalan 1961, jika sabit kesalahan boleh didenda sehingga RM1 juta atau penjara selama tiga tahun atau kedua-duanya bagi kesalahan pertama, manakala kesalahan kedua dan seterusnya denda tidak melebihi RM3 juta atau penjara tidak lebih lima tahun atau kedua-duanya.

"Bagi pertubuhan atau perbadanan, denda dikenakan tidak melebihi RM2 juta bagi kesalahan pertama dan RM5 juta bagi kesalahan kedua dan seterusnya.

"KPDNHEP juga akan membuka satu kertas siasatan di bawah Akta Pengubahan Wang Haram (AMLA) 2001, bagi melihat dari segi berlakunya jenayah kewangan, selain syarikat pembungkusan yang terbabit," katanya.

RM2.50 harga

subsidi minyak masak

15 jenama

minyak masak digunakan sindiket

Sindiket seleweng minyak masak RM15 juta digempur

Pasir Gudang: Kementerian Perdagangan Dalam Negeri Dan Hal Ehwal Pengguna (KPDNHEP) menumpaskan sindiket penyelewengan minyak masak bersubsidi bernilai RM15 juta dalam serbuan di sebuah kilang perindustrian di Jalan Sagai 6, Taman Pasir Putih di sini, semalam.

Timbalan Pengarah Penguat Kuasa (Operasi) KPDNHEP Putrajaya, Shamsul Nizam Khalil berkata, pihaknya yakin dapat melumpuhkan sindiket yang disyaki menyebabkan berlakunya kekurangan bekalan minyak masak di pasaran.

Menurutnya, KPDNHEP Putrajaya dibantu KPDNHEP Johor Bahru menahan seramai

15 lelaki termasuk lapan warga asing iaitu Nepal dan Bangladesh berusia 25 hingga 45 tahun dalam serbuan pada jam 2 pagi.

“Siasatan awal dan risikan selama sebulan mengesyaki minyak masak bersubsidi itu diperolehi daripada beberapa kilang pembungkus minyak masak secara sah di sekitar Lembah Klang, Perak dan Kedah yang ada lesen borong sah sebelum dibawa ke kawasan perindustrian di Pasir Gudang ini.

“Sindiket ini didapati memindahkan minyak masak bersubsidi satu kilogram (kg) ke tangki dengan cara memotong plastik *polybag* dan memasukkan ke dalam mesin pengisar

“

Syarikat ini beroperasi sejak enam bulan lalu
Shamsul Nizam

yang kemudian akan disalurkan ke tangki berkapasiti 1,000 liter setiap satu.

“Syarikat ini beroperasi sejak enam bulan lalu, selain difahamkan dianggarkan antara 500,000 ke satu juta pekete diselewengkan sebulan sepanjang tempoh itu.

“KPDNHEP mengesyaki be-

kalan minyak masak ini bagi tujuan eksport. Ini kes pertama dan terbesar tahun ini dapat dibongkar kegiatan sindiket penyelewengan minyak masak bersubsidi,” katanya.

Beliau berkata, siasatan awal mendapati terdapat 15 jenama minyak masak daripada beberapa syarikat yang terbabit dengan kegiatan itu.

Ditanya sama ada berlaku pembabit orang dalam, pihaknya memaklumkan ia masih dalam siasatan.

“KPDNHEP sudah mengenal pasti beberapa syarikat yang digunakan untuk menjalankan aktiviti membeli minyak masak dengan menggunakan lesen borong yang sah,” katanya.



ANTARA barangan yang dirampas polis.

15 peniaga dikompaun gagal patuhi SHMMP

Kota Kinabalu: Seramai 15 peniaga dikenakan kompaun oleh Kementerian Perdagangan Dalam Negeri dan Hal Ehwal Pengguna (KPDNHEP) selepas didapati gagal mematuhi Skim Harga Maksimum Musim Perayaan (SHMMP).

Semua kompaun berkenaan dikeluarkan sepanjang operasi pematuhan yang diadakan sempena Aidilfitri yang dijalankan sejak 21 April lalu hingga kelmarin.

Pengarah KPDNHEP Sabah Georgie Abas berkata, pihaknya menjalankan sebanyak 2,623 pemeriksaan di seluruh Sabah sepanjang operasi itu.

Menurutnya, 15 kesalahan yang dikesan membabitkan tiga kes menjual barang kawalan melebihi harga ditetapkan, empat kes peniaga gagal menggunakan tanda harga khas (merah jambu) dan lapan kesalahan tidak meletakkan tanda harga.

"Sepanjang operasi, KPDNHEP turut merampas pelbagai barangan

bernilai RM592.20, manakala jumlah kompaun yang dikutip adalah sebanyak RM1,950.

"Semua tindakan kes terbabit diambil mengikut Akta Kawalan Harga Dan Anti Pencatutan 2011," katanya.

Georgie berkata, operasi itu diadakan sebagai langkah untuk mengawal kenaikan harga barangan keperluan pada Ramadan dan menjelang perayaan Aidilfitri.

Menurutnya, operasi SHMMP itu dilaksanakan secara dua fasa iaitu empat kategori barangan antaranya ayam, telur ayam, daging dan hasil laut serta 10 jenis barang kawalan untuk fasa pertama.

"Bagi fasa kedua pula yang akan diadakan selama 15 hari bermula esok sehingga 20 Mei ini membabitkan 15 lagi jenis barangan.

"Dengan penambahan ini, jumlah keseluruhan barangan harga terawal bagi pelaksanaan SHMMP kali ini membabitkan 25 barangan," katanya.



ANGGOTA KPDNHEP memeriksa harga telur di sebuah pasar raya di Tawau.

Georgie berkata, SHMMP bertujuan untuk menstabilkan harga barang yang kritikal yang menjadi menu utama bagi sesuatu perayaan untuk membolehkan seramai mungkin rakyat merayakan setiap perayaan dalam suasana tenang, ceria dan harmoni.

Katanya, seramai 200 pegawai penguat kuasa dan 87 orang pegawai

pemantau harga di seluruh cawangan KPDNHEP Sabah akan sentiasa memantau situasi bekalan barangan agar ia mencukupi, selain memastikan peniaga-peniaga mematuhi SHMMP ini.

"Tugas-tugas pemantauan dan pemeriksaan dijalankan pada setiap hari termasuklah pada Sabtu dan Ahad serta cuti umum," katanya.

Senarai Harga Barang Keperluan		Telur Gred A		Gula Pasir		Cili Merah	
• Ayam	RM5.99	• Telur Gred A	RM10.00	• Gula Pasir	RM1.99	• Cili Merah	RM6.49
• Daging Lembu Tempatan	RM34	• Ikan Kembung	RM8.90	• Bawang Besar Holland	RM2.90	• Kubis Bulat Tempatan	RM2.00
• Daging Lembu Import	RM24.00	• Minyak Masak	RM5.90	• Bawang Putih	RM4.99	• Tepung Gandum	RM2.09

*Harga (RM/kg) Sumber: KPDN-HEP